

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09), člana 25. Statuta Općine Centar Sarajevo- prečišćeni tekst ("Službene novine Kantona Sarajevo", broj 23/04), i člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17 i 28/18, 52/21 I 40/22), Općinski Načelnik donosi:

**IZMJENE I DOPUNE PRAVILNIKA
O KRITERIJIMA I RASPODJELI NOVČANIH SREDSTAVA ZA DODJELU STALNE NOVČANE
POMOĆI BORAČKOJ POPULACIJI**

Član 1.

Član 5. stav (1) mijenja se i glasi:

- (1) Sredstva sa budžetske pozicije predviđena za ove namjene dodjeljuju se na osnovu Javnog poziva koji se objavljuje na web stranici Općine i ostaje otvoren tokom cijele godine ili do utroška planiranih sredstava.

U članu 5. dodaje se stav (8) koji glasi:

- (8) Lica koja su već ostvarila pravo na stalnu novčanu pomoć nisu u obavezi podnositi nove zahtjeve.

Član 2.

Dodaje se član 7a. koji glasi:

- (1) Izuzetno, stalnu novčanu pomoć mogu ostvariti borci/branitelji Bosne i Hercegovine, ratni vojni invalidi, porodice šehida i poginulih boraca (korisnici porodične invalidnine) koji imaju maligna oboljenja.
- (2) Lica iz stava 1. pravo na stalnu novčanu pomoć mogu ostvariti bez obzira na visinu primanja u porodičnom domaćinstvu.

Član 3.

Stav (6) člana 8. briše se.

Član 4.

(Stupanje na snagu Pravilnika)

Izmjene i dopune Pravilnika stupaju na snagu narednog dana od dana objavljivanja u Službenim novinama Kantona Sarajevo, a iste će biti objavljene na Oglasnoj ploči i web stranici Općine Centar Sarajevo.



Broj: 10-~~11-4787~~-1/22
Sarajevo: 09.06. 2023. godine.